

葉縣志序

霖宦游豫省初宰中牟繼卽作

令於葉兩邑皆載在魯論厥蹟最

古然春秋時之中牟地在河北非今

所治境也且佛胥之召聖人欲往而

卒不往葉則轍環所至有問津古

渡及文人留宿故地在焉我夫子与

葉以相問答讀樂說素至今恍聞

道似出其地為形名文物之邦所

由來者久矣官於斯者多矣而外

王高以仙踪著山海以文學稱歷代

不乏良吏雲林於丁卯年下車伊

孟敬徵文考獻觀古人所以爲治在
藉資法守及沈潛志則成於前宰
武強名公實在乾隆丙寅之歲迄今
首二十有二寒暑矣年遠事積其
間名儒賢宦孝友忠良之士未著於
篇者不知凡幾且近年流寇侵軼

我疆士女橫羅鋒鏑雖

朝廷有旌卹之典亦尚有待志乘之
闡揚若不及今詮次時愈久事
愈湮傳訛滋謬俛見之父老子弟
無所親感豈非守土者不能興
廢舉隊之過哉時見紳杜農部仲

蓋息輟鄉居與高續纂意見相
同爰糾集該文士博采廣搜編釐
商訂而折衷於前魯山令費筑胡
君蘇農未幾霖量移河內蘓農
亦歸道山事恐中輟辛未春霖因
以玉茗吟出梁主講倉靜則廉使

靜少中年人處霖生乎年曾刻議
重脩是志未及染翰後令吳君抱
仙踵而為之已經藏事而葉志仍
未省成書心竊思焉因以蘇農未
定之稿囑其修飾潤色完茲盛
舉靜則慨諾不辭越三月以稿錄

寄卷帙體例大政與中年志目
仿古而後霖所莅兩邑均無憾於
記載之弗完矣夫邑雖褊小莫不
有志其大者天地之災祥時政之
因革損益吏治民風一隆污升降
下逮景物之名勝戶口之繁昌以及

科名選舉之盛衰人物官師行
誼必書必備期於信令而傳後裨
政教而勵人心所闕誠非淺鮮而
用司簿書苟年或苦於搜羅之未
廣或限於經費之難籌或由不編
輯之寡助以致多歷年所志載

缺如今幸得於百二十二年之後續纂告成雖不敢謂事增於前文
名於舊然正偽節先述舊補新
庶亦足供後賢之考鑒傳

國史之採擇云爾將付剞劂爰較
其顛末以弁簡端時同治十年歲

在率未仲夏五月司知銜前署
縣事中牟縣知縣今調河內縣知
縣彭澤歐陽霖謹撰

大凡天下事無論鉅細所以廢而不修者或曰不切已或曰待後人即樂於從事者往往以力不逮中止况邑之志猶國之史也修史難修志亦難非不遺不漏之難也定其是非之難定其似是而非似非而是之難葉志失修自乾隆間始迄今垂百二十有餘年矣稽於古者或無誤採於今者慮失真星野輿地茲

猶昨也禮樂賦役守舊章也建置之繫
屬戶口選舉旌卹之殷繁可次第增也
至某也以政績顯某也以節行著某也
以文章傳風土異宜剛柔異俗其是也
耶其非也耶其皆是而無非也耶一時
之損益安知非千百年褒貶所憑豈不
難哉秋七月余來權葉篆篆問俗采方攷
文徵獻詢志乘知前歐陽令於聽政之

餘慨然以為已任不避難而倡始博採
廣收備攷詳核與邑紳杜農部仲護合
邑人士之力共修纂之已付剞劂矣無
待後人舉其事矣噫若歐陽令者可謂
力從其心者也邑之人如杜農部輩亦
可謂明大義而勇於從公矣今書已告
成展卷而見典型識風俗曉人物不特
可備太史輜軒之採凡官於斯產於斯

者皆瞭如指掌而得所觀感也吾幸矣
吾重為邑之人幸矣至葉之沿革與夫
創志修志各顛末諸序言之詳矣蓋不
復贅述云

同治壬申十月既望

賜進士出身五品銜權知葉縣事

南皮張佩訓序

跋見論及車

之聞厥獨
有地也
患葉最
原爲古
所中蓋
呂州軍
資土章
岸載世
據在丙
磨魯申

國冊之目為栗籟之
朝年足張宦建書興
順嘉集展入置出替
治興世卷物禮暇計
已高初瞭菽樂偶莫
文谷修如文賦一如
康文松指各後披邑
熙登明掌門職覓恣
未涓萬吧類府其一
未 歷竊細選間編
 之喜舉舉地於

隆兩寅皆續修之最近者同
治平未伊時寇難盪平歐陽
令霖廣搜詳校纂輯益增釐
燹大倭焉其流輶事岩
序言之心蒸誦贅述惟是
南帙不之數詢邑獮之君子
僅亦得家部竊以邑三君猶
國史家也乘芟信今傳後

不
可
不
廣
且
遠
曰
曠
楮
先
生
匪
特
叢
爾
小
邑
聲
明
文
物
之
韻
先
昭
忠
孝
貞
廉
之
臚
列
輶
軒
儕
探
足
徵
薰
陶
之
深
也
鉞
自
慚
世
陋
法
古
人
之
治
以
為
治
曩
檣
如
接
所
蔭

以匡不逮云爾
 昔先緒二
 十
 二車歲坎丙申
 嘉平月乾
 同知街知黃縣
 事績深泰錢
 跋於昆易官屏



舊志序一

葉有志自邑人太常牛公鳳始志創於嘉靖壬寅迄今三
辰又五十年矣其建置之繫屬星野之躔次山川形勝之
布列固無容損益者若夫賦役之繁簡風俗之純漓人物
之繼起學校公署之增修法制禁令之興革率不可以悉
計自今視之多有不同者矣矧時愈久則事愈劇事愈劇
則典籍無所載父老無可詢何以別美惡陳得失以備稽
考哉爰于簿書之暇謀於教諭王君邦謬暨邑之人士纂
輯彙次上下五十年間闕者補之佚者收之靡者刪之畧
者詳之志成凡爲卷二爲目二十嗟乎天下之勢其由來

無不有漸當其始而圖之其救之也易及其既久則有不
可移易者以余觀於葉雖其地由狹而廣其戶口由寡而
衆然以言賦役則由省而煩財費則由儉而奢地利則由
饒而瘠民風則由樸而澆吏治人才又罔不由盛而衰由
良而楛易曰履霜堅冰至小雅曰相彼雨雪先集維霰尚
可弗慎厥漸哉思其漸而力救之是所望於後之君子者
也昔葉公之問政也吾夫子告以近者悅遠者來志之成
非徒爲邑人作也蓋有覽其方輿而慕其風土者又安知
不如孔子之所云乎此余之志繼太常牛公之後而不宣

辭也時萬曆二十一年季春葉縣知縣嘉興高文登書

舊志序二

夫志紀實纂言之書史類也史志代興今古宜確故作者
慎之

國朝定鼎混一輿圖戊戌之歲部院賈公檄下所屬各纂
志乘以擴新一代規模甚盛典也兩河南北成就稿矣葉
志成徵序於予予不敢辭宛之葉縣治古昆陽城也晉以
前兩縣并設葉隸南陽昆陽隸潁川晉以後變故紛出獨
葉之名存於史昆陽之名亡矣一縣之地合而為一實自
唐始中間或北治昆陽或南復舊治代無所考分合置廢
不知凡幾今境內荒城相望求其葉於何時亦不可詳詳

乎自晉室亂而天下靡沸不復有史至元魏始作史時當
草昧之餘志最苟簡晉隋史作於唐晉初繼兩漢三國其
志猶畧可憑隋書雜亂無章適以增疑何足取信此自一
端言之他可推矣夫志以紀沿革凡沿革皆難考况葉更
難考乎今葉之纂修采輯諸君皆據歷代史志諸書互相
援證頗得其概是以山川之名稱城池之攸在及分合之
故廢興之迹悉可書之方策以資談指中間尙有一二莫
考者亦以古人文字稱說爲據或以他事相關而旁及之
亦取以爲徵訂其疑誤畧似明白度幾無謬歟或謂故老
相傳及田夫漁樵之談古人亦取之茲悉不以爲是獨求

之簡策何哉嗚呼此未易言也夫葉西臨大山南接巨嶺盜賊時出治安則周道旁午變故則干戈縱橫居民蕩折不知凡幾以今日之故老質往古之陳迹豈不愚且惑乎杞宋夏商之後也各有史官掌記孔子猶有不足徵之歎況千百年之久而徵諸兵燹僅存之子遺獨何見哉是以纂輯諸君不敢不詳加稽考甯簡勿繁甯真勿妄云是集也起於戊戌之秋迄己亥仲春告成一代鴻書可垂不朽披卷而葉之山川形勢人物文章在目中矣夫志不當詳紀一時之地利風俗乎一邑之中年所之間地利之饒減應有不同風俗之純漓亦自不一然而氣會升降由於治

道汚隆以今日

聖天子御宇百府司贊治喜起一堂海宇咸臻邳隆之休
又豈止一葉之利日饒風日純也哉順治十六年襄城賈
壯讓

舊志序三

日者我

皇上詔天下大修省會通志上之史館彙成一統全書開
局編纂既閱四載又

敕所在條陳事實以備蒐羅蓋難且慎如此大中丞閻公
鎮撫豫州念河南通志自大司馬賈公編葺距今踰三

年慮事久難稽爰飭兩河郡邑續修地史初以恭進

御覽備中天之鉅觀吁此盛典也其古者採風之意歟古
天子巡狩四嶽既有期會不能躬履問閭與小民相勞苦
歲遣輜軒之使博採輿圖職方諸所紀載期於十五國風
俗周知其利弊所在務有以移易變通馴致太和之化故
雖一邑罔或畧焉考之王制眾建諸侯各君其地今之大
中小邑非古百里七十里五十里以次而降之侯國乎葉
固周初應侯地也春秋時入於楚以沈諸梁爲之令傳所
稱葉公子高蓋章章已當時楚恃其形勝盛稱方城與漢
水並著今考方城舊址在芒葉于東二山間飄蕩銷沈未

觀所爲險要者且自漢以後隸屬無常兵燹之餘瘡痍未
復僅當南陽下邑耳今昔殊觀頓成霄壤爲之慨然顧邑
無論大小有山水則名有人物則靈有賢長吏維持而安
全之則民易治而俗亦易馴自古然矣葉在裕州分界西
唐石門雅擅佳勝又汝澧昆澧諸水交流宣聖車塵轍環
宛在其間名賢高隱代不乏人又葉公靖難於方城之外
光武發軔於昆水之陽遠而仙令遺踪近亦忠魂未泯地
靈人傑尤表表可觀記云文旣奉檄纂修嘉興二三君子
張皇補苴力爲搜採而紀載殘缺文獻淪亡安望其典而
核博而該彬彬雅可風乎然據見聞之異辭慎信疑之互訂

取而折衷之秩如也昔朱考亭所蒞官必先修志乘良以人情風土非此莫徵文雖譎陋濫膺茲土亦竊有志焉用以告成事於大中丞仰觀

聖天子聲教所敷海濞山陬無遠弗屆蕞爾葉壤俾一二流傳軼事併得附史臣珥筆昭大一統鴻模文能無厚期哉編旣成敢弁數言於卷首時康熙辛未七月知葉縣事充庚午科河南鄉試同考試官遂甯呂棟文撰

舊志序四

書契旣立紀載遂詳唐虞二代尙矣降而史漢班馬涑水廬陵各舉一代之迹載諸簡編以垂奕禩良鉅觀哉抑亦

昭其信爾邑乘雖渺然郡志通志實基請此進而一統鴻
模亦由此集吁豈易言與我

皇上聰明天縱制作乘時宏開館局纂明史三禮等書以
昭一王典章煌煌乎極盛隆軌也茲者大方伯趙公以翰
苑名儒宣化中州覽各邑舊志率係康熙初年間所纂慮
繼起事蹟湮沒失傳爰檄飭所屬重加增輯非以備輪軒
之採而昭輿圖之盛歟余蒞葉數載矣嘗登黃成臨澧流
想伏龍事業文通風雨荒煙野草之際如將遇之而百里
桑麻星羅繡錯雲樹隱現中又歷歷可數感歎流連幾不
能置然風土人情固所稔知而數十年來時勢不同

遞新亦若山之增而益高水之濬而益深簿書餘暇每與
邑二三君子證其梗概酌其損益期以興利剔弊抉微開
幽顧游刃有志割雞無能徒啜焉若喪己耳夫非集思無
以廣益非信今何以傳後余奉檄謬任纂修而諸君殫思
極慮更能匡余所不逮雪案校字冰硯濡毫一堂之上嗚
疑辨難覺葉之風土宛然在目先哲碩彥亦羹牆若接幾
不自知爲風塵吏也後之君子詎無聞之而興起者乎事
既竣反覆細繹雖年遠事繁搜羅不無或遺然一物一則
一名一義於古人作史昭信微旨幸無愧焉其亦鼓吹休
明之一助與爰付攻木氏以垂永久余旣量捐俸餘邑人

士亦咸鼓舞樂輸共襄厥成葉中多信士於此猶可見一斑云
昔乾隆丙寅五月知葉縣事充甲子河南鄉試同考試官武強石其灝謹撰

葉縣志總目

卷首

序文 目錄 纂修姓氏 凡例 圖考

卷之一

輿地志

沿革 冢墓

星野 風俗

疆域 土產

形勝附 祥異

兵荒

山川

古蹟

卷之二

建置志

城池 書院附

街道附

廨宇

鋪舍附

倉厩

學校

寺

觀附 水利

坊表 村莊

關津

橋梁 寨堡附

卷之三

禮樂志

典禮 鄉飲

職祀 鄉約

總目

卷之四

賦役志

丁役里甲

田賦鹽法

雜稅附驛站

卷之五

職官志

各表

卷之六

選舉志

各表

卷之七

名宦志

卷之八

人物志

鄉賢

儒林

文苑

孝義

忠烈

卷之九

藝文志

賦

詩 頌

贊

記

序

墓志銘

墓表

傳

書事

論

考

祭文

卷之十

雜記

紀事
錄異

輯聞
辨疑

附錄

舊志凡例

舊志編次

舊志纂修姓氏

纂修姓氏

總修

同知銜調署葉縣事中牟縣知縣歐陽霖
運同銜戶部浙江司主事杜鶴慈
總纂

布政使銜前湖南按察使司按察使翰林院編修倉景愷
前河南魯山縣知縣景山官學教習胡廷楨
參訂分校

羅

山

縣

訓

導張廷綸

增

生馮維楨

從 九

品婁先桓

增 生鄭嘉祥

刑 部 員 外 郎張其蔚

歲 貢 生孫桂

增 生藍玉田

增 生王鳳鳴

探訪

檢 討宋偕光

舉 人萬鈺

恩 貢 生戴

拔

貢

生婁震坤

拔

貢

生張新銘

歲

貢

生孫登瀛

歲

貢

生梁潤堂

歲

貢

生謝芝

廩

貢

生張週

庫

大使

銜

生

員潘益三

廩

生侯炳南

歲

貢

生馮瑞年

廩

生祁如桓

廩

生黃協中

增

生張鴻達

生

員張化行

生

員李省吾

監刻

典

史莊恭壽

山

西

鳳

臺

縣

人吳兆奎

繪圖

從

九

品孫錦昇

凡例

一舊志之作成於乾隆丙寅閱今已百有二十餘年其間賢宦名儒爲時較近者尚有人能道之採訪得實謹卽登錄至百年內外之人則稱述者寡矣卽如呂令柳文政治之善見詠於卓爾堪鄧曷采詩中而事蹟無徵竟不能爲之立傳其餘官紳似此湮沒者當亦不少載筆之餘良用慨然

一書分十卷以輿地建置禮樂賦役職官選舉名宦人物藝文雜記十者爲綱領除職官選舉仿各史年表體名宦做省志不標細目外其餘爲目者五十七爲

附目者九每卷前有小引每篇後有論說庶乎綱舉
目張開卷瞭然

一每篇後論說多仍舊志而舊志所載呂君柳文之論
更覺懇切精詳文亦雅馴可誦今於照錄舊志者則
文後旁注舊志二字錄呂君論者則文後旁注呂志
二字不敢遺珠亦不敢掠美或有未備亦間參末議
以補之焉

一舊志不書水利所敘村鎮山川亦畧而不詳今據通
志增入水利一門並將五十三村所屬各村莊一一

臚列至山川之在縣境者則必詳考原委註明方向

山之脈絡起伏水之來源去路竝爲細書於冊俾後
者如掌上觀紋

一舊志職官不載保安驛丞及分防千總外委選舉不
載武科學校不載廩增附額數未免疎漏今皆增入
一舊志人物無忠烈一門而以崇禎時遇難之葉人孟
養氣李慶雲列名宦之後似乖體例又邊拱許經旣
見宦績又載於孝義中一人兩傳亦於體例不協且
邑乘非序爵之書更不必以宦績庠序分目也今皆
更正

一志中列女一冊篇幅較繁前志所載已百數十人自

乾隆迄今旌表者三百餘人此次採訪又數百人或激烈捐軀或堅貞守節足以砥世礪俗誠如舊志所云多多益善又何嫌焉

一舊志雜記有康熙四十八年請廣學額一條全錄部院公牘頗覺煩蕪地史紀事以簡明爲尚且等因奉此文字與全書筆墨不類今特刪之藝文內存賈姓葉岸廣額序一篇已足見此事原委也其餘重見複出者甚多亦並從節

葉縣志卷首

同知銜調署葉縣事中牟縣知縣歐陽霖重修
圖考

自河啓羲儀洛開禹範肇造以還圖書並重周禮大司徒以天下土地之圖周知地域廣輪之數辨其名物蓋視險易考規畫誠莫善於圖已蕭何入關收秦圖書具知阨塞要害戶口多寡強弱之處與夫民所疾苦漢得天下實基於此葉雖下邑山川勝蹟較他處爲佳圖以誌之則無事嘖有煩言而其事其地其景宛然在目辨俗審形未始非爲政者之一助也志圖考

星野圖

柳星張周分之圖

酒旗



柳宿



天辰



星宿



齊州

鄭州

齊州

鄭州





天尊

漸緩

少微

長垣



陝州

湯

汝州

鄧州

南鄭



北至
張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

張東村
怡唐村
胡村
路店村
彭庄砦
張家砦
常家砦
北營砦

每一方十里邪方十四里

東南至
舞陽六
十里

東北至
義城界
五十里

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

李本砦
張東村
怡唐村
胡村
路店村
彭庄砦
張家砦
常家砦
北營砦

里十六城

縣境村鎮寨堡圖

○
○
○
○
○

○
○
○
○
○

○
○
○
○
○

○
○
○
○
○

○
○
○
○
○

○
○
○
○
○

○
○
○
○
○

○
○
○
○
○



○
○
○
○
○

○
○
○
○
○



○
○
○
○
○


城池


里山兩
百五魯

州南五裕
界六十
五里

城一
里

城池圖





北關郭圖


益 常關 廟


元成界

五道溝

台

廟






南關郭圖


河城

大山山


山

南界





文廟圖



崇聖祠


文昌閣

奎星樓


明


大

福




縣署圖







八蜡廟圖




西署圖




昆陽書院





城守營圖






黃文節公祠圖



義系
卷一
問古



問津古渡



世入春秋姬運頽素王何
事此徘徊葉郊野渡停車
馬濁水途荒迷草萊沮溺
高蹤惟耒耜丈人故趾亦
塵埃空餘汨汨朝宗水誰
復臨津一問哉

玩龍仙臺



姓職豈洲驚何
對無司漠斗事
交語 = 載得由
問番鼠爭同來
安吟臺T侶游
得嘔滄騰曷易
司水歲天傳來
空官月潤牖子
却失詎此窺高

王喬飛龍



飄颻鳧鳥入青雲太史遙
觀知異氛不見郎官朝聖
主止將雙鳥達明君昭昭
汗簡傳今古渺渺荒墳對
夕昕漢代諸陵非故土玉
棺何在語空聞

諸葛遺墟



峯頭高望兩南陽
遵養崇年寓此邦
山麓斲幢題姓
字道周
荒草沒行歲
卧龍一去風雲散
梁父重吟感慨
長墟畔至今存
占廟衣冠猶侍
漢中王

石門嘉遜

五景元



十一

茫	民	史	長	曝	文	涓
茫	談	光	高	麥	通	涓
古	昭	風	散	閱	昆	
跡	姓	流	涼	德	水	
荒	字	播	颶	鄉	蕞	
墳	香	山	徐	暑	西	
何	猶	川	通	雨	唐	
霞	有	在	誦	忽	曾	
草	居	信	聲	飄	是	

陽關故址



周道傍邊水濫觴高名久
已屬歐陽不知何代開新
墅共說灣頭是故莊戚里
人隨秋雁遠洪陂波與曉
天長遙憐畫舫青春日一
派笙歌出洞房

講武高臺



君王遊衍耀華彝
鞠旅陳兵瀼水湄
殺氣夜衝星斗暗
陣雲晨翳曙光遲
龍車鳳輦招搖日
北狩南蒐凱奏時
千載遺蹤歸可武
誰知顯慶是男兒

澧水長橋



方城北望有通津橫跨修
梁不計春舟々虹霓疑卧
水堂々河伯儼垂紳雪天
緩步還堪畫月夜長吟更
絕倫濯足濯纓淹過客觀
瀾觀逝屬高人

111

112

113

114

115

葉縣志卷之一

同知銜調署葉縣事中牟縣知縣歐陽霖重修

輿地志

古者衆建諸侯各君其地自秦改封建爲郡縣後代因之此古今一大沿革也地道承天在天爲星野在地爲疆域其間山川名勝類有古人陳蹟地又以人重矣至於民風之橫土物之宜則山川之秀而地之靈焉若夫上天垂象使守土者綢繆先事以備兵荒於未然不可委爲冥漠難知之數也葉雖下邑幅員之廣等古侯封國家二百年來

聖天子久道化成四民樂業人無游手野有餘糧是皆可

紀也志輿地第一

沿革

古

豫州地

周

應侯國

應侯武王子左

傳邢晉應韓

武之穆也

春秋

楚地

左傳成公十五年楚

公子申遷許於

葉後為沈諸葉城父城今葉地

邑論諸葉公問

戰國

韓地

史記韓分晉得壽陽

郡及潁川之

城今葉地

葉後為沈諸葉城父城今葉地

素

漢

東漢

魏

晉

葉陽屬南陽郡 葉縣屬南陽郡 葉縣屬南陽郡 魏地建安七年劉表使劉

方輿紀要云秦按此即今之舊 隸荊州部昆陽備屯新野引兵

曰葉陽太平寧縣鎮也又置昆 隸荊州部縣屬北侵及葉曹操

宇記云秦為父陽縣屬潁川郡 隸荊州部造夏侯惇

城縣屬南陽郡按此即今縣治 隸荊州部等拒之

晉

劉宋

後魏

東魏

葉縣屬南陽國 葉縣屬南陽郡 復置葉縣屬南 葉縣屬南安郡

隸荊州部昆陽縣屬

隸雍州部後省 安郡據魏晉注

隸襄州西魏大統四年

襄城郡隸豫州元嘉二十六年 年置鄧州後改 取襄州尋復為

部按漢時昆陽 割荊州之南陽 為南中府天平 東魏所取十三

父城屬潁川晉 等五郡為雍州 初罷府置南安 年復入西魏十

分潁川立襄城 葉屬焉大明元 郡領南安南舞 五年東魏復取

焉永嘉四年石 定南葉四縣又 之又置定南郡

勒陷襄城昆陽 孝昌中置襄州 方輿紀要云葉

父城並廢葉地 於此又置河山 在北朝為阻隘 縣今縣北有河 地厥後高齊亦

卷之六

輿地

元

半屬中夏
半入虜廷

北齊

葉縣屬襄州又

首汝墳縣復於

汝墳縣置襄州

郡

始徙縣於昆

陽舊書云北齊

皇島七年城始

北徙昆陽城則

思是固舊址舊

之錄

後周

葉縣屬南襄城

郡隸豫州部

周

廢豫州置南襄

城郡隸南襄城

郡定南郡為定南

郡又廢南襄

城郡置南襄城

隋

葉縣屬潁川郡

隸豫州部

開皇

三年

廢南襄城郡以

葉汝墳二縣屬

潁川郡大業二年

省定南入葉屬

城

保山

保此以

唐

葉縣屬汝州臨

汝郡隸河南道

武德四年以縣

置葉州五年仍

為縣屬北遷州

城屬許州開元

二年析唐許二

州屬色登仙州

二十六年州廢

葉仍屬汝州大

曆四年

州以

五代

葉縣屬汝州五代

史職方考葉故屬許州唐割隸

汝州

明

葉縣屬南陽府

宋

葉縣屬汝州隸

京西北路按宋初州

郡沿革無大增損高宗南渡取淮之中流為界

唐鄆西南皆四十里以界金葉

遂為金有矣

金

葉縣屬裕州隸

南京路泰和入年於方

城縣置裕州以葉及舞陽隸焉

元

葉縣屬裕州隸

河南江北道元初

即葉縣行陞州事就置昆陽縣為屬邑至元三年罷州併昆陽

舞陽二縣入葉

後復置舞陽

置仙臈縣五年仙州仙臈縣並廢葉還故屬省汝填入襄城

隸河南布政使

司

國朝

葉縣屬南陽府

隸河南省

古葉縣南起方城北至湛水左氏傳楚師及晉師戰於

湛阪是其徵也漢並建昆陽一隸豫州一隸荊州遂判

南北後代因之葉如故昆陽或置或罷或更後魏析置

河山北齊析置汝墳唐又析置仙島境土屢分沿革

易訖元季始復舊疆今考各家方輿書校以正

事實以補舊志之畧俾覽者於上下數千年分合治亂之蹟可識其概云

星野

漢天文志自柳二度至張十二度謂之鶉火之次周之分也

晉天文志自柳九度至張十六度爲鶉火於辰在午周之分野屬三河通志云三河之域於南陽府爲南陽爲鎮平爲唐爲鄆爲內鄉爲新野爲淅川爲裕爲葉爲舞陽

晉天文志又云翼軫楚荊州南陽入翼六度

唐天文志柳星張鶉火之次起柳七度餘四百六十四秒

七少七星七度終張十四度其分野北自滎澤滎陽並京
索暨山南得新鄭密縣至外方東隅斜至方城抵桐柏又
北自宛葉南盡漢東申隨之地大抵以淮源桐柏東陽爲
限

唐地理志負河而南號汝許及新鄭之地爲鶉火分按葉
在唐屬汝州

明天文志柳四度至張十五度鶉火之次也南陽府鄧汝
裕三州皆張分通志云柳宿之屬爲酒旗星宿之屬爲軒
轅爲天相爲天稷張宿之屬爲內平爲長垣爲天尊爲少

微爲天廟

河南分野考之往牒互有異同如同一南陽也史記屬角亢晉書屬翼言人人殊惟唐天官志撰自僧一行說本李淳風最爲精切今按圖考之葉屬南陽當躔柳星張鶉火之次矣舊志謂葉在漢晉屬南陽統於荊州晉志南陽入翼六度然今之葉治故昆陽城也昆陽在兩漢屬潁川統於豫州晉志潁川入房一度云云其辨析甚詳而終未折衷明確蓋依違兩可於晉志何如一行之說之爲可據乎茲本省志所載唐天文圖說詳錄於篇最爾一葉雖未詳屬於何度大約在星宿天稷天相

問也

呂志

五原卷一
呂志辨論極明再考漢志王莽地皇三年有星孛於張
東南行張爲周地東南行卽翼軫之分翼軫爲楚其占
爲周楚地將有兵亂四年正月光武會下江新市兵下
南陽斬阜賜大破尋邑於昆陽象應不爽如是據此南
陽直張之說確有明徵第未悉葉入何度耳姑存其說
俟高明者訂焉

疆域

縣治在府東北二百四十里

東行三十里至留侯店又二十里至桃奉店與舞陽界又
二十里抵舞陽

西行五里至孟奉店又十里至寺莊又十里至任店與魯
山界又六十五里抵魯山

南行十五里至九漈鋪又十五里至舊縣鎮又十里至廟
岡鋪又十里至龜岡鋪又十里至保安驛與裕州界又六
十里抵裕州

北行十里至問津店又五里至汝墳店又十里至遵化店
又五里至湛河店與襄城界又三十里抵襄城

西北行五里至嚴村又十三里至北渡又十二里至黃棟
樹與寶豐界又六十里抵寶豐

東南行八里至邵奉店又二十二里至墳店又二十里

至新店又十里至北城店與裕州舞陽界
西南行二十五里至栗林店又十里至夏李村又五里至
長村與魯山裕州界

東北行十八里至龔家店又二十里至湯車灣又十里至
洛岡鎮與襄城界

縣境廣七十五里袤九十里

東北至省城三百六十里至

京師一千八百里

形勝

荆河西界廣野通途汝澧澧昆諸水交滙山

分明南望方城北瞻長隴西臨魯山之險東距講武之臺
方輿紀要云昔楚人圖北方以宛葉爲重地屈完所謂方
城以爲城王子勝所謂葉在楚國方城外之蔽也晉陽處
父伐楚於方城荀偃伐楚侵方城之外秦白起伐楚取宛
葉而楚之郢鄢危蓋方城之險秦旣得之則足以禍南國
也沛公自洛入南陽尋復自宛葉北出鞏洛高齊時亦保
葉以備周明季汪喬年孫傳庭督師勦賊皆以葉爲扼要
地足以見邑之形勝矣

畫井分疆王制秩然凡以專責守而周撫巡有攸司矣
輯五瑞而入覲古諸侯之述職也畫四境以觀成今令

尹所有事也故邑無論大小苟其審形勢勤保釐畫如
圻慎封守俾吾民宅爾宅畋爾田樂樂利利歌詠太平
遵而行之雖千百斯年可也

舊志

山川

西唐山一名青山距縣六十里南界裕西界魯山爲縣西
南第一名山水經注云澧水導源雒衡山東流歷唐山下
又屈而東南流逕葉縣故城北又云昆水出魯陽縣唐山
東南流逕昆陽故城西今考水道昆水實出山之西麓澧
水復經山之東麓則水經注所稱唐山卽今西唐山也
由西唐迤北而東爲

石門山兩山對峙如門中有清溪曰漂麥河相傳爲漢
鳳讀書處唐元丹邱亦寓此山李太白有丹邱子石門山
幽居諸詩由西唐南逾澧河過太常村沿河而東爲

雲夢山又曰龍王山在縣西南五十里山勢蜿蜒北麓舊
有靈湫相傳其下有龍禱雨輒應里人建白龍王廟於此
今歲久沙淤深谷爲陵神龍失其窟宅僅存廟貌而已又
沿澧河東行爲

孤山亭亭河干孤巒獨立不與諸山相連接故曰孤山又
東爲

雙山澧河南岸之山盡於此雲夢迤西諸山其著者曰

仿虎山又南爲

纍垂朵山距縣城七十里峰巒纍垂下垂如花朵故名自此緣亘而東十餘里爲

尖山山勢高峻分兩翼東南行其東曰

花山卽水經注所稱之苦菜山也其南出者曰

斷石崖山形壁立若刀斷又東曰

馬頭山曰

鐵子山東臨大道者曰

龜岡自尖山至此通爲

黃城山在縣西四十里

所謂方城以爲城杜預註在某縣西南十八里卽此山也
水經註郭中產曰苦菜于東之間有小城名方城東臨溪
水尋此城致號之由當因山以表名也苦菜卽黃城也及
于東通爲方城矣以上縣西南山至保安而平故前人於
此通道過保安以東而山勢隆隆復起其著者曰

鳳凰山在縣南六十里東臨于江其南曰

孤山由鳳凰山逾于江而東爲

豹子山山勢極其險阻自茲以東與舞陽接壤俱層巒疊嶂
嶂爲東南屏蔽其著者曰

于東山卽水經註之于東也俗名羊山西與豹子山相接

其南曰

龍山曰

轉山東曰

明頂山山勢峻絕人跡罕至距縣城七十里其南曰

老寨山以李大旺寨得名又東曰

望夫山東北曰

潑粥山以形似故名也縣東南之山盡於此矣縣西北諸山與西南東南形勢迥異大抵平而散處不相聯屬其在

澧河北者曰

北渡山在縣西北十八里山出美石可供器用西與寶

接壤其京曰

河山在縣北十三里山上有井土人常見白龍出其中號曰龍井遇旱禱雨常得甘霖井側有廟元范陽侯馬禿塔兒所建也

荆山在河山北山下爲馬禿塔兒故里舊志云畧有岡阜與卧羊山相對今並岡阜無之若指爲下氏得王之荆山恐不類也由河山而東當澧水之澳曰

黃柏山一名黃成山在縣北十里山腹中空山巖窪爲長潭土人號白龍潭禱雨輒應山頂有龍王廟下有庵曰衍慶按水經注云南陽葉縣有黃成山是長沮桀溺耦耕之

所有東流水則子路開津處今山下村落尚名問津村也
卧羊山在縣北十三里澗河東山多大石狀如羊故名有
宋黃庭堅摹崖絕遊書五十六字澗河南北之山盡於此
澗河之北則有

落鳧山在城西北三十里與寶邳接壤其東爲

平頂山山頂平坦無峯巒山西側有風洞空虛深遠天欲
風其中先爲鼓動又有水洞淵深清冽夏月近之涼氣逼
人按此山產煤東南郡邑多賴此而炊非直近山地方之
利其風洞水洞殆遠年採煤廢穴耳又東曰

馬峯山曰

紗帽山曰

金牛山俱在縣北三十里惟縣治以東地多平坦祇有

講武山距城二十二里山上有臺本係漢馬融講尚書處
唐高宗時改為講武此山平地突起周圍數里四面別無
岡阜於形家爲輔星縣治以東勝概無逾此山

縣北之水曰

潢河一名沙河冰經注云出魯陽縣西之堯山東逕魯陽
縣故城北出于魚齒山下又東南逕昆陽縣故城北昔漢
光武與王尋王邑戰於昆陽敗之士卒爭赴濁潢水爲之
不流卽此地也今水道由河召村南入縣境東北流十里

逕黃城山下北逶迤羊山東過汝墳又東十里逕唐村又東十五里逕張東村又東五里逕沙于村又東五里大麥水入之又東十里北會湛水又東五里逕雜頭村又東十里昆水自西南來注之又東入舞陽界

滎北之水曰

滎河在縣北三十里周禮荊州其浸潁潁據水經注出隼縣北魚齒山東南逕蒲城北京相壻曰昆陽縣北有蒲城蒲城北有滎水者是也今按水出寶豐縣馬跑泉東南流至河召村北入縣境又東二十里逕遵化店又東八里逕洪莊又東九里逕洛岡又東南十五里入滎河

犇河在縣西北水經注云水有二源東源出踐犢山東巖下水方五十許步不測其深東北流逕犇縣南又東北屈逕其縣東而北合西源水西源出頗山北阜下東北逕犇城西又屈逕其縣北東合右水亂流北注於滄漢高祖入關破南陽太守呂齶於犇東卽於是地也今縣治西有犇河店

王莽港在縣西北十二里秦趙村王莽屯兵於此

大麥河在縣東北出龔家店冷清湖東流逕張東村沙干村入滄河

石潭河在縣東北以中多大石得名與大麥河同出冷清

湖東流逕西湖村賈村入昆水縣南之水

昆水河身隨處有泉故俗名萬泉河又名輝河出魯山縣
東南之燈盞窩卽西唐山之西麓也東北流至任店入縣
境東十五里逕孟奉村又東十里逕縣城南關外又東南
十里過邵奉村又東十里逕蓮村又東北十里逕水寨村
又東十里逕桃奉村又東十五里注滢河入舞陽界
牛羊河一名歐陽河出汝厲輝嶺營東北流逕尤潦村邵
奉村入昆水昆水之南曰

滢河水經注云出雒衡山東南逕建城東建當爲卷郡國
志云葉縣有卷城其水又東流入于滢今按水出南召縣

老麓山東流逕裕州之揚河孤石灘至西唐山下入縣境
東逕常村逾夏李村三十里至舊縣北又東十里逕三娘
廟又東十里逕李家堂又東十里逕龍泉寺又東二十里
至澧河店合干江入舞陽界 按今縣北之水澧爲大縣
府之水澧爲大餘皆澧滄之水盈涸無常也

燒車河在舊縣南源出苦菜山東流入澧相傳光武旣敗
王莽兵舉其輜重連月不盡或焚其餘於澧水上故以煤
車名

崇麥河源出石門山東南流入澧澧河之南曰

干江河卽灑水也水經注山海經曰朝歌之山灑水出焉

東南流注於濠又東北澧水注之濠水之左卽黃城山也
據此則濠卽干江無疑今河道自孤山東北流逕圪塔店
又東北逕新店又東北逕關王廟又北逕古城至澧河店
會澧水入舞陽界

崔河出斷石崖逕龜岡鋪東入干江

十字溝在縣東南四十里龍泉村其水三處發源會而爲
一北流入澧形爲十字故名

聖井在舊縣東門外救賜靈惠侯感應之廟病者飲之卽
愈 按舊志載此一條今舊縣無靈惠侯廟亦無聖井不
知廢自何年惟縣城 文廟後有井土人號聖井見古

蹟

湧水泉在縣南黃城山下有泉源湧出東流蓄之以爲陂
觀音泉在縣西南塌河里

虞書封山溶川蓋一州之鎮所以表形勢而利導之豈
徒誇游觀之盛云爾哉先王畫井分疆經界既正山林
川澤厯厯如在指掌間仰其高俯其深攬其佳勝大者
國家險要之所關小者亦性情文章之所寄未可忽也
且山出木石大都有利無害若滄澧諸水一經盛漲往
往潰防漫溢居者行者胥受其累賢令尹所當留心區
畫者也詳書如右而古今之變遷亦藉以考焉

節舊志

古蹟

汝墳在縣北十五里卽文王化行南國處也其北有遵化鎮

問津村在縣北十里黃柏山下滯水之南卽沮溺耦耕子路問津處

牛老陂在縣南十二里卽荷蓀丈人止子路宿處今九潦鋪是其地也

溺車灣在縣東四十里相傳孔子溺車於此舊有廟今廢
基址尚存

臆書臺在縣北十里卽孔子遊於此舊有廟今廢

熙二十九年知縣呂柳文重建

故城在縣南三十里今舊縣鎮春秋時沈諸梁邑也

昆陽故城在今縣城南光武破王尋王邑於此

霸王城在縣東南干江保項羽所築

無霸城在縣西一里王莽將巨無霸圍昆陽屯兵於此

蕭王城在舊縣城內光武所築

蒲王城在縣東北蒲城保東晉時蒲洪所築

汝墳城在縣北十五里北齊置汝墳縣於此今遺址尙在
下城在縣西北十五里荆山西南相傳爲楚下和食邑恐
未可信按北齊書此地有河山縣今此城背山向水疑其

地也通志作市城

卷城在縣南左傳昭公二十五年楚子使季然郭卷杜注云爲卷築郭也卷城在南陽葉縣南

趙王寨在縣西秦趙村世傳秦王與趙王戰於此地

劉盆子寨在舊縣南花山上劉盆子與樊崇屯兵於此

李大旺寨在縣東南明頂山南老寨山昔有李大旺者曾保此山今屋壁確磴見存云

軒轅鑪在縣北荆山後有東西後三鑪相傳黃帝於此鑄

鼎

玩龍臺在舊縣城東葉公好畫龍神龍下降卽此地也臺

前有墨池俗傳泚墨之所今尙有遺址可尋

光武臺在舊縣蕭王城中

雙鳧宮在舊縣漢葉令王喬飛鳧處

望仙橋在舊縣南門外王喬入玉棺去百姓望而思之故名曰望仙

尙書臺在縣東二十二里漢馬融講尙書處也唐顯德二
年高宗講武陟水南行三驅之禮上親次尙書臺觀之從
許州收封道宏之請改爲講武臺方輿紀要云武后講武
於此上有溫泉

嚴村在縣北澧水上和傳新莽時子陵曾垂釣於此

邵奉村在縣東南昆水岸上宋邵康節曾行易於此
招隱嶺在縣東二十五里漢昭帝時夏侯勝招隱處

歐陽里在河西世傳有歐陽駙馬都尉別墅時代名字未
詳

湛坂在湛河上春秋襄公十六年楚公子格及晉師戰於
湛坂杜注云昆陽縣北有湛水東入汝水經注云湛水之
北山有長坂

燒車河在舊縣南三里詳見山水

聖井在文廟後相傳孔子飲水處

白龍井在縣北河山元范陽侯馬禿塔兒所濬

八角井 四角井俱在縣城東南見通志

茶園在縣東南潑粥山北麓其山產茶土人云前代有朱千戶居此爲貴臣守護茶園今山北尙有朱千戶墳墳南百步有石獅二卽其所居也

葉當春秋時相傳爲問津止宿處舊志所載溺車曬書諸遺蹟大抵皆我天子栖栖道左地也蓋不勝泣麟悲鳳之感焉他如玩龍飛鳧事縱荒渺不可信要皆爲好事者所豔稱猶光武以數千新集之卒大破王尋百萬衆於昆陽至今攬轡荒城恍聞金戈鐵馬嗚呼何其偉哉文獻難徵記載殘缺僅據所傳聞者列之於篇非止

玉魚金盃之悲銀海漆燈之誕徒佐談資已也嗟乎睹
記所及足備興觀轉瞬之間俄成往跡登臨寄託尙友
者每爲情移况乎滄桑屢變城郭全非感慨係之低徊
欲絕後人觀風懷古豈無慨然而賦者乎

呂志

冢墓

春秋葉公墓在舊縣漢書注皇覽曰縣西北去城二里有
葉公諸梁冢近縣祠之曰葉公址

長沮桀溺墓在縣北十里鋪大路西

漢王喬墓在縣東南三十里墳臺店太平寰宇記曰古冢
在縣東俗云王喬葬處

諸葛墳墟在縣北平頂山下有隋開皇二年斷石幢云此地有諸葛之舊墳墟隋去三國未遠言必有據今山下稍西有諸葛廟東有金雞冢疑卽武侯父祖葬處蓋武侯本瑯邪人避地而西或自其前世已寓於葉居南陽則自武侯始未可知也

宋梅詢墓在縣南二十五里梅灣

任桶墓在縣南與梅詢墓相近

元西漢傑墓在縣西南昆水上

馬禿塔兒墓在縣西北荆山上

宣帖木兒墓元時南陽府尹也墓在縣東南七里

明焦宏墓在縣西一里弟寬子鉅曾附葬於此

牛鳳墓在縣西西唐山下

衛道墓在縣西三里

劉國能墓在縣城外北土城西

烈女墳在縣西南三十五里夏李村之南地名大墳溝墳

高數仞環瑩以石里人相傳爲烈女墳年代姓氏俱不可

稽舊志亦未載竊以亂離之秋婦女橫罹強暴義不受辱

決於俄頃當時未必有人爲之表揚迨物換星移遂無可

考然迭經兵火之餘陵谷變遷而一坏土巋然如故豈非

貞烈之靈實式憑之而不可泯沒耶爰書於冊以補前志

之者俾後來者有所觀焉

古人不朽者三在立德立功立言固不係乎墓之有無也然德功言果能爲法於天下可傳於後世則愛其人思其物者甘棠猶不忍伐盤匝几劍猶不忍傷况體魄之所藏乎志冢墓非特弔古也亦以示勸於將來爾

風俗

士講學絃誦會文聯社以相結納不事閭達樂韜晦有西唐遺風

農務耕耨春種夏耘秋收至冬則爭釀酒張樂以答田祖村落聚會以爲樂然少蓄藏至收成則空虛矣出息以稱

貸者十常八九

當明季凋殘後民始謀家室競尙質樸士庶家木杯瓦器其風頗陋自後百工來集器用稍備俗或奇巧相勝備耕市井擬於薦紳風漸靡矣

商之爲用從前實遷於市者止有鹽鐵之需其俗儉樸如衣服則棉布蠶繅取之女紅飲食則市脯園蔬問諸集鎮今其俗有佩服著文繡宴會烹海錯者以故晉魏賈販操贏蝟集力稽所獲半歸塵肆王制曰命市納賈用觀好惡可不慎歟

冠禮久廢民間鮮有舉者

婚禮男女從幼婚定擇門第不論貧富六禮豐儉視乎其
家

喪禮士大夫遵文公家禮無有設齋醮者頗稱善俗親友
致弔每以牲醴香燭爲儀亦有賻助者厚薄稱情

祭禮士大夫家祭舉於祠無祠者祭於寢春寒食秋中元
冬十月朔酌酒焚楮拜掃墓前男女皆至

春正月元旦祀神祀先拜尊長宗族鄰里互相稱賀元宵
張燈放花礮夜遊鼓樂三月清明墓祭踏青家家插柳於
門夏五月五日佩艾食角黍飲菖蒲酒六月六日曝書曬
衣秋七月十五日祭拜先坐八月望日翫月設瓜果以祭

家人會飲九月重九登高飲茱萸酒賞菊冬十月朔祭先
人於墓十一月冬至士大夫相賀十二月八日食臘八粥
二十三日祭竈除夕樹桃符修歲事

葉近南服而習勞苦敦儉樸有唐魏風故服先疇長子
孫含哺鼓腹以樂太平有自來已及東南多故皖盜竊
發踰中土窺樊襄所至燔掠葉先受之歲或數警由是
黨庠舍業文士登陴逡巡十餘年而絃誦寂然矣少詩
書之氣卽易起凌競之心浸假而禮讓衰訟獄繁醇者
日漓樸者日侈儂薄浮詐之習可不杜於漸而防於微
乎然則移風易俗使之回心而嚮道豈非賢司牧之責

數

土產

穀之屬

黍 稷 稻 粱 大麥 小麥 麻 胡麻 菽

亦名黃豆

豌豆 蠶豆 藜豆 黑豆 小豆 扁豆 豇豆 芸

俗名玉木 蕎麥

蔬之屬

韭 蔥 蒜 薑 即今蒜 茺蒿 胡荽 芹 芫

俗名油菜 白菜

有赤白二種 馬齒莧 碧蓬 菠薐 萊菔 俗名蘿蔔 胡蘿蔔 蒿

芑 大芥 小芥 薺 蕨 縣西南山中 藟 秦椒 甘

集系志 卷一 輿地

諸土名瓠 冬瓜 南瓜 胡瓜 菜瓜 茄 筍瓜

絲瓜 西瓜 甜瓜 苦瓜 蔓菁 木耳 金針 蕪

姑

菓之屬

棗 棗酸棗也 胡桃 柿 栗 梨 棠梨 杏 桃 李

櫻桃 林禽俗呼蘋果 石榴 文官果 蒲萄 蔓

萹俗名野藕 菱 芡實 葶薺 長生一名落

木之屬

柏 桐 槐 榆 白楊 柳 桑 柘 梓 荆 椿

檉 楸 檉 楮 檉卽柘 烏柏 杜 棘 烏呼

毛
桿

草之屬

馬蘭

苜蓿

莎

根即香附

菅

茅

蒯

蒲

狼尾

土呼草桿

薜蘿

芍藟苗也

羅勒

俗呼翳子草

狗尾

即莠也

穀精草

虎耳草

葦

荻

蒿

葦草

花之屬

芍藥

牡丹

迎春

海棠

貼梗海棠

絳桃

紫荊

紫微

木槿

榴花

合歡

俗名馬纏花

夾竹桃

天竹

蠟梅

薔薇

玫瑰

刺藤

蓮

石竹

一名蓮麥

秋葵

鳳仙

山丹

一名紅百合

纏枝蓮

玉簪

秋海棠

木香

旋覆

一名金錢花

菊

苦蕒

野菊也

雞冠

竹

卷丹

蒼蒲

一名

花 梔子

禽之屬

烏雀鶯鴉鴉鳩鶉鴝鵒鷹鷓鴣

俗名

藏 雀鴉鴉鴈鳧鷺鴨鷄

獸之屬

狼豺狐狸兔鼠牛馬驢驘豕

羊犬猫

鱗之屬

鯉鰱鱖鰻鱔鱉鮑

介之屬

龜 蟬 蛤 螺

蟲之屬

蠶 蜂 蟬 蟋蟀即促 蜻蛉 蚯蚓 蝨由山 螳螂

蛭 蜚 莎雞即絡 蠨蛸俗呼為 蛾 蟻 蠅 蝦蟆

蝸牛 蠶 蜥蜴 蛇

藥之屬

車前子本草菜類 紫蘇 黃精 芍藥 還童子 杏仁

槐實 全蠍 南星 馬鞭草 香附 澤蘭 蒼朮

貫仲 槐角子 杜仲 菖蒲 蟬蛻 艾 金銀花

益母草 劉寄奴 威靈仙 薏苡仁 枸杞 芫花

烏頭 蔓荊子 青藤 百合 括蕪 何首烏

貨之屬

布 絲 縑 蜜 麻 苧 棉花 麻油 藍靛 菜
油 栗炭 石灰 紅花 黃蠟 花椒

先王因土之宜辨所生之物定貢賦焉物之異者不足
貴所貴者民生食用之宜亦惟是菽粟桑麻之物之常
者而已葉地瘠民貧無珍材異產之遺俗雖務農荒土
未闢地當孔道驛站苦繁牛馬驢騾之屬多鬻自販賣
非土產也其地所獨產及與他處同產而有早者

寥寥不足重輕矣通志葉無專產知其瘠也至虎豹未經見聞燕雀何關食貨舊志所載未免繁蕪今雖仍之要不可以無辨然聖王之澤固有逮於昆蟲草木而鳥獸咸若百昌向榮則國家之郵治覘此焉抑又不可以弗志也

呂志

祥異

漢高后八年南陽大水更始元年王尋兵圍昆陽夜有流星墜營中晝有雲如壤山當營而墜不及地尺而散建武二十二年南陽郡地震永平十八年彗星出張永元五年南陽郡大風拔木光和五年彗星出狼弧東行至於張乃

沒

唐開元十一年東都大雨伊汝汎漲漂壞河南府及許汝
仙陳等州廬舍數千家溺死者甚眾天寶十三載縣南土

塊圖

宋景祐二年有星孛於張翼長七尺五寸十二日而沒神
宗時丹砂二篋化爲雙雉

明成化二十年大饑宏治十一年大水十五年大雨雹十
六年五龍見於城北正德六年饑嘉靖三十五年南陽府
屬地震有聲萬曆十六年大疫十八年三月有黑霾自地
起晝昏黑如夜行人失迷徑路有墜水死者翼日始霽崇

順五年大水十三年大饑

國朝康熙二十九年大疫三十年六月至七月蝗三十五年大水四十七年五月五日泮池內無雨而水漲計尺許四十八年大饑五十年鬻宮枯柏重生五十二年櫺星門產芝乾隆元年有鴉十餘萬棲鬻宮叢柏上逐之不去月餘始散三年牛大疫四年水七年四月二十八日蝦蟆環聚城河不可數計觀者如堵越日不知所往六月水九年十月桃李華椿樹發芽人採食之味甚甘十一年正月至三月牛大疫閏二月初六日邑南大雨雹深尺許殺鳥雀無數損麥苗數百頃四十七年夏蝗五十一年大饑嘉慶

十八年大饑道光元年四月大水十六年五月蝗月餘蝻
生十九年六月大水二十一年四月大雨霽秋大水二十
三年七月大水二十五年四月竹開花紅如月季楊樹花
青色大如斗冬夜有火光如虹起自魯山東南流至葉縣
南止所過物皆焦聞銅聲卽遠去數夜乃息二十八年饑
咸豐元年四月蝗六月水鄉里小兒剪紙作旗日相鬪爭
爲戲又有牧童於田間隙地築土爲垣人問之荅曰聊避
賊耳識者以爲兵警之兆三年正月初五日居人夜警自
戍刻起扶老攜幼爭先逃於夜有聲四鄉皆然是夜有火
光自水寨村西北行繞城東北隅望汝墳橋而去所過之

處明日視之土色若燒六年四月蝗六月水秋大旱穀價騰踴七年夏自五月蝗至六月損穀甚多是月晦復有蝗自東北捲地而來晚禾被食無餘八年六月蝗十年十二月大雨雪深三四尺除夕霜著樹如銀花大小樹皆滿無一空枝凡三日始墜十一年九月蝗自東而來沿澧河數十里不絕食麥苗忽有羣鵲如鵲飛來以爪去蝗首而食之晝盈野夜集村樹人或驅之亦不畏十餘日蝗盡始飛去同治元年二月澧水中有蝦蟆無數白石墓潭至澧河店十餘里皆滿青黃二種大者如盂小者如盞以大負小隨波上下凡三日六月蝗七月十五日夜有羣星向西南

流數刻始止二年二月初九日夜降霜烟墨著莠麥草樹
皆枯河魚死者無數五月蝗七月蝻生四年八月河溢秋
禾盡淹五年三月大水十月朔大雷電占云亢陽不伏是
冬雪少來年必旱

春秋災異必書雖不言其事應事應俱有可徵示後世
遇災而懼人事補救之不可以已也語云氣運盛衰治
亂循環皆有物焉以至之非人所能爲也克謹天戒則
有其象而無其應弗克謹焉災咎之來有確乎不爽者
嗟乎和氣噓而祥疢戾氣併而災見人受其殃而天地
先爲之變動可不哀哉

兵荒

漢更始元年王莽遣王尋王邑將兵百萬圍昆陽光武以步騎數千大破之建安七年昭烈帝屯新野引兵北侵至葉

唐天寶十五載南陽節度使魯炁兵屯葉縣與安祿山將武令珣戰於澧水上敗績至德間史思明叛帝命發宛葉軍挫賊南鋒元和九年吳元濟悉兵四出焚舞陽及葉廣明元年黃巢寇葉欲窺東都

明正德六年大盜師尚詔起歸德轉掠至葉破其城崇禎五年汝州賊白石魯和尚等作亂寇葉尋討平之十三年

西南山土寇作亂十四年十月流賊李自成陷葉十五年十一月流賊復入葉十六年拐河賊李好乘亂擄西山屢攻葉城喪亂連年死亡殆盡

國朝順治十一年劇盜吳可訓聚眾拐河山蔓延至舊縣知縣許鴻翔擊破之十二年復進兵夷其巢穴嘉慶二年三月川陝楚教匪由南陽北竄陷保安驛咸豐七年七月角子山土匪王黨竄入縣界勢甚張總兵邱聯恩討平之九年二月皖匪至境焚掠甚酷十月盜首孫葵心由襄城逕葉至舞陽所過擄民人燒廬舍十年三月自舞陽回竄踞縣南大肆殺掠鄉民被害尤慘十一年二月

匪由襄城逕葉趨南陽行甚駛十月由南陽裕州回竄龍泉村卸甲店一帶悉遭蹂躪同治元年三月六月孫老會股匪兩次竄擾縣境二年六月皖匪由舞陽入縣界踰舊縣掠保安撲南陽八月又由襄城竄來攻陷張集尤潦段莊張思成諸寨四年正月張總愚股匪自寶豐入境焚劫六月牛老紅股匪自東北駛至燬搶澧河以北一帶地方九月皖匪由裕州過境西竄魯山十月由魯山回竄五年六月又由舞陽入境自龍泉村圪堵店等處轉掠至裕州九月又由襄城飄忽而至掠洪莊六年五月復由南陽竄葉邑滋擾凡寇至之處前數夕道上多鬼火人靜後尋鼠

循車轍迹魚貫入圩不數日而警報必至

中州膏腴之壤煙戶稠密又少山谿之險寇所必趨自古以然咸豐間粵逆倡亂皖捻繼起走中原如蹈隙地葉爲南北衝途被害尤數十餘年迄無寧宇迨同治戊辰羣盜聚殲於山東始獲安息然而創鉅痛深閔數載而瘡痍猶未起也今述歷代兵荒迄乎同治丁卯之歲詳著於篇